

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U KAKNJU
Broj: 36 0 Su 068359 24 Fin 19
Kakanj, 13.06.2024.godine

Na osnovu člana 70. stav 1., 3. i 6. Zakona o javnim nabavkama Bosne i Hercegovine („Službeni glasnik Bosne i Hercegovine” broj 39/14 i 59/22) te preporuke Komisije za provođenje postupka javne nabavke iz Zapisnika o pregledu i ocjeni ponuda broj: 36 0 Su 068359 24 Fin 19 od 05.06.2024.godine, u postupku javne nabavke radova za rekonstrukciju elektro i LAN mreže, provedenom putem otvorenog postupka, Predsjednik suda donosi,

ODLUKU **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke radova i Ugovor za javnu nabavku radova za rekonstrukciju elektro i LAN mreže dodjeljuje se ponuđaču DEMA &S d.o.o. Mostar, adresa: ul. Vrapčići b.b.Mostar, ponuda broj: 556-24 od 31.05.2024.godine za ponuđenu cijenu od 202.777,00 KM bez PDV-a (dvijestotinedvijeiljade i sedamstotinasedamdesetsedam KM), kao jedinom kvalifikovanom ponuđaču.

Član 2.

Ponude ponuđača GENERAL ENGINEERING d.o.o. Sarajevo broja: 690001-PON0001-24 od 13.05.2024.godine; ponuđača E-STROM d.o.o. Sarajevo broja: 133-24/009 od 24.05.2024.godine i ponuđača PRO TEAM d.o.o. Sarajevo broja: P-3005-07/24 od 30.05.2024.godine, odbacuju se kao nepravilne, shodno odredbi člana 68. stav 4. alineja i) Zakona o javnim nabavkama BiH.

Član 3.

Izabrani ponuđač je dužan u roku od 7 (sedam) dana od dana zaprimanja ove odluke dostaviti originale ili ovjerene kopije dokaza o ispunjavanju uvjeta u skladu sa tenderskom dokumentacijom i datom Izjavom iz člana 45. Zakona o javnim nabavkama BiH.

Član 4.

Ova odluka se dostavlja svim ponuđačima koji su učestvovali u postupku javne nabavke, zajedno sa zapisnikom o pregledu i ocjeni ponuda, shodno odredbi člana 71. stav 2. Zakona o javnim nabavkama BiH.

Član 5.

Ova odluka objavit će se na web stranici Općinskog suda u Kakanju, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Član 6.

Po pravosnažnosti ove odluke i u skladu sa članom 72. stav (1) Zakona o javnim nabavkama BiH, ugovorni organ će pozvati izabranog ponuđača radi zaključenja ugovora.

Obrazloženje

Postupak javne nabavke radova za rekonstrukciju elektro i LAN mreže u Općinskom sudu u Kaknju pokrenut je Odlukom o pokretanju postupka javne nabavke, broj: 36 0 Su 068359 24 Fin 19 od 26.04.2024. godine.

Nabavka je provedena putem otvorenog postupka, za koje je objavljeno obavještenje o nabavci na Portalu javnih nabavki pod brojem JN: 5359-1-3-33-3-2/24 od 29.04.2024.g., te ispravka obavještenja br. 5359-1-3-33-8-3/24 od 22.05.2024.g.

Sažetak obavještenja o nabavci je objavljen u „Službenom glasniku BiH“ br.30/2024 dana 07.05.2024.g., te sažetak ispravke obavještenja u „Službenom glasniku BiH“ br.36/2024 dana 24.05.2024.g.

Komisija za javne nabavke (u daljem tekstu: Komsija) dostavila je dana 10.06.2024. godine predsjedniku Općinskog suda u Kaknju Zapisnik o pregledu i ocjeni ponuda broj: 36 0 Su 068359 24 Fin 19 od 05.06.2024. godine sa preporukom o izboru najpovoljnijeg ponuđača za predmetnu nabavku.

Komisija je konstatovala da je u toku postupka ugovorni organ zaprimio žalbu na tendersku dokumentaciju, te je dana 17.05.2024.godine putem portala javnih nabavki obavijestio sve potencijalne ponuđače o zaprimanju žalbe, obustavi postupka, te prolongiranju rokova za dostavljanje i otvaranje ponuda do okončanja postupka po žalbi.

Rješenjem od 20.05.2024.godine ugovorni organ je usvojio žalbu potencijalnog ponuđača izjavljenu na tendersku dokumentaciju, izmjenio tendersku dokumentaciju u dijelu u kojem su usvojeni žalbeni navodi, odredio nove rokove za preuzimanje izmijenjene tenderske dokumentacije, te nove rokove za prijem i otvaranje ponuda i sve navedeno učinio dostupnim svim potencijalnim ponuđačima putem portala javnih nabavki.

Komisija je blagovremeno i pravilno izvršila javno otvaranje, pregled i ocjenu kvalificiranosti prispijelih ponuda u skladu sa kriterijima iz tenderske dokumentacije o čemu je sačinila odgovarajuće zapisnike, te konstatovala da su zaprimljene četiri ponude, sljedećim redoslijedom:

1. DEMA &S d.o.o. Mostar , zaprimljena dana 30.05.2024.g. u 14,50 sati
2. E-STROM d.o.o. Sarajevo, zaprimljena dana 30.05.2024.g. u 15,02 sati
3. PRO TEAM d.o.o. Sarajevo , zaprimljena dana 31.05.2024.g. u 08,52 sati
4. GENERAL ENGINEERING d.o.o. Sarajevo, zaprimljena dana 31.05.2024.g. u 09,51 sati.

Kopija Zapisnika sa otvaranja ponuda dostavljena je ponuđačima putem e-maila dana 31.05.2024. godine u skladu sa odredbom člana 63. stav 6. Zakona o javnim nabavkama BiH.

Nakon izvršenog pregleda i ocjene ponuda, o čemu je Komisija sačinila Zapisnik o pregledu i ocjeni ponuda dana 05.06.2024.g., proizlazi da je kvalifikovana i prihvatljiva ponuda ponuđača DEMA &S d.o.o. Mostar, dok su ponude ponuđača GENERAL ENGINEERING d.o.o. Sarajevo, E-STROM d.o.o. Sarajevo i PRO TEAM d.o.o. Sarajevo shodno odredbi člana 2. stav 1. alineja 1 - 3) Zakona o javnim nabavkama BiH ocjenjene kao nepravilne, odnosno kao ponude koje nisu sačinjene u skladu sa tenderskom dokumentacijom.

Naime, ponuda ponuđača GENERAL ENGINEERING d.o.o. Sarajevo broj: 690001-PON0001-24 od 13.05.2024.g. nije sačinjena u skladu sa tenderskom dokumentacijom, te je samim time nepravilna, iz dva razloga.

Prvi razlog je što ponuđač nije dostavio ponudu prema novom obrascu za cijenu ponude ANEKSU 2.- OBRAZAC ZA CIJENU PONUDE – NOVI, koji je izmjenjen nakon usvajanja žalbe na tendersku dokumentaciju, nego je ponuđač ponudu dostavio koristeći prvobitni obrazac.

Uvidom u izvještaj o preuzimanju tenderske dokumentacije od strane ponuđača, kreiran na portalu javnih nabavki na dan 31.05.2024.godine, utvrđeno je da je ponuđač GENERAL ENGINEERING d.o.o. Sarajevo preuzeo tendersku dokumentaciju dana 29.04.2024.godine u 14:20:33. Obavijest o zaprimanju žalbe, obustavi postupka, te prolongiranju rokova za dostavljanje i otvaranje ponuda preuzeo je dana 17.05.2024.godine u 11:57:09. Obavijest o izmjeni tenderske dokumentacije ponuđač je preuzeo dana 23.05.2024.g. u 7:50:41, a izmjenjeni ANEKS 2.- OBRAZAC ZA CIJENU PONUDE – NOVI dana 24.5.2024. u 13:38:16.

Na osnovu ovako utvrđenih činjenica o preuzimanju tenderske dokumentacije sa Portala javnih nabavki od strane ponuđača GENERAL ENGINEERING d.o.o. Sarajevo, jasno je da je imenovanom ponuđaču bila dostupna tenderska dokumentacija kao i izmjena tenderske dokumentacije u ovom postupku, ali unatoč toj činjenici ponuđač ponudu nije dostavio u skladu sa istom.

Drugi razlog za nepravilnost ponude je taj što je ponuđač GENERAL ENGINEERING d.o.o. dostavio tehničke listove za traženu robu/opremu na engleskom jeziku i što nisu prevedeni na službeni jezik BiH niti ovjereni od strane ovlaštenog sudskog tumača kako je traženo tačkom 3.4.1. tenderske dokumentacije.

Vezano za prevod tehničkih listova od strane ovlaštenog sudskog tumača, ugovorni organ je dana 09.05.2024.godine dobio i pitanje na portalu JN od potencijalnog ponuđača, te u odgovoru precizno naveo da zahtjeva da tehnička dokumentacija ukoliko nije na jednom od službenih jezika BiH mora biti prevedena na jedan od službenih jezika BiH i ovjeren od strane ovlaštenog sudskog tumača, na način kako je navedeno tačkom 3.4.1. tenderske dokumentacije.

Članom 2. stav 1. alineja 1 - 3) Zakona o javnim nabavkama BiH, propisana je definicija „nepravilne ponude“, te navedeno, između ostalog, da je nepravilna ponuda ona koja nije u skladu sa tenderskom dokumentacijom.

Članom 68. stav 4. alineja i) Zakona o javnim nabavkama BiH propisano je da je ugovorni organ dužan da odbaci zahtjev za učešće ili ponudu u slučajevima kad ponuda nije potpuna i ne ispunjava zahtjeve iz tenderske dokumentacije.

Obzirom na gore navedene nedostatke u ponudi ponuđača GENERAL ENGINEERING d.o.o., ponudu je valjalo odbaciti i istog ocjeniti kao nekvalifikovanog ponuđača u ovom postupku javne nabavke.

Ponuda ponuđača E-STROM d.o.o. Sarajevo broj: 133-24/009 od 24.05.2024.g. nije sačinjena u skladu sa tenderskom dokumentacijom, te je samim time nepravilna iz razloga što nije sadržavala tehničke listove za ponuđenu robu/opremu za koju se u obrascu Aneksa 2 za dio A-jaka struja III rasvjeta i B- Slaba struja I – Integrisana mreža podataka, traži da ponuđač navede tip i proizvođača. Ponuđač E-STROM d.o.o. Sarajevo nije dostavio tehničke listove za rasvjetu i komunikacijske razdjelnike koji su traženi tačkom 3.4.1. tenderske dokumentacije, te je shodno odredbi člana 2. stav 1. alineja 1 - 3) Zakona o javnim nabavkama BiH ponuda nepravilna, pa ju je primjenom člana 68. stav 4. alineja i) Zakona o javnim nabavkama BiH valjalo odbaciti.

Ponuda ponuđača PRO TEAM d.o.o.Sarajevo broj: P-3005-07/24 od 30.05.2024.godine nije sačinjena u skladu sa tenderskom dokumentacije, te je samim time nepravilna, iz dva razloga. Prvi razlog je što je ponuđač dostavio ponudu kojom obrazac za cijenu ponude (Aneks 2-NOVI) nije popunio za svaku stavku. Ponuđač u dijelu obrasca za cijenu ponude, dio „B) Slaba struja pod I-Integrisana mreža podataka“ nije naveo jedinične i ukupne cijene za svaku stavku koja čini opremu pod r.b. 1, 2 i 3 (komunikacijske razdjelnike), nego je naveo samo jediničnu i ukupnu cijenu za stavku „sve komplet ožičeno i ispitano“ za navedenu opremu. Navedeni način pripremljene i dostavljene ponude ponuđača PRO TEAM d.o.o.Sarajevo je u suprotnosti sa napomenom iz obrasca, kojom je navedeno da se za svaku stavku u ponudi mora navesti cijena, odnosno u suprotnosti sa članom 5. Uputstva za pripremu modela tenderske dokumentacije i ponuda („Službeni glasnik BiH“ br. 90/14 i 20/15).

Drugi razlog za nepravilnost ponude je taj što ponuđač PRO TEAM d.o.o.Sarajevo nije dostavio dokaze tražene tačkom 3.4.1. alineja a) tenderske dokumentacije, odnosno potvrdu druge ugovorne strane o uspješno realizovanim radovima s minimalnom vrijednošću ugovora u iznosu od 238.000,00 KM (sa uključenim PDV-om). Ponuđač je dostavio spisak izvršenih ugovora (str.24/25 ponude) sa kopijom potvrde društva OBNOVA GRADNJA d.o.o. Sarajevo (str.26 ponude) izdate dana 30.05.2024.godine o uspješnom ispunjenju ugovorenih obaveza čiji je predmet elektroinstalacija slabe struje-nabavka ugradnja i programiranje sistema vatrodjave i detekcije CO na objektu „SPO ADA“ Sarajevo u vrijednosti od 32.027,31 KM bez PDV-a, a koji je izvršen 29.11.2021.godine.

Navedeni dokaz koji je dostavio ponuđač PRO TEAM d.o.o.Sarajevo - potvrda društva OBNOVA GRADNJA d.o.o. Sarajevo izdata dana 30.05.2024.godine, ne predstavlja traženi dokaz u pogledu uslova

za tehničku i profesionalnu sposobnost, te je shodno odredbi člana 2. stav 1. alineja 1 - 3) Zakona o javnim nabavkama BiH ponuda nepravilna, pa ju je primjenom člana 68. stav 4. alineja i) Zakona o javnim nabavkama BiH valjalo odbaciti.

Ponuda jedinog preostalog ponuđača DEMA &S d.o.o. Mostar je ocijenjena kao kvalifikovana, jer je potpuna, sačinjena u skladu sa zahtjevima iz tenderske dokumentacije i prihvatljiva.

Članom 4. stav 2. Pravilnika o uslovima i načinu korištenja e-aukcije („Službeni glasnik BiH“ br. 80/23), pripisno je da u slučaju prijema jedne prihvatljive ponude e-Aukcija se ne zakazuje, a što je situacija u ovom postupku, pa e-Aukcija nije ni provedena.

Komisija je dala preporuku predsjedniku suda da donese Odluku o izboru najpovoljnijeg ponuđača i dodijeli ugovor ponuđaču „DEMA &S d.o.o. Mostar kao jedinom kvalifikovanom ponuđaču čija ponuda ispunjava uslove iz tenderske dokumentacije, a što je u skladu sa Zakonom o javnim nabavkama BiH, podzakonskim aktima i tenderskom dokumentacijom.

Pri donošenju ove odluke posebno su cijenjene činjenice da je komisija pravilno i potpuno izvršila ocjenu kvalifikovanosti ponuđača, te da nisu utvrđene nepravilnosti ili propusti u radu, koji bi eventualno bili razlog za neprihvatanje preporuke Komisije za javne nabavke.

Uzimajući u obzir da je komisija u cjelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dipozitivu odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 10 (deset) dana od dana prijema ove odluke.



Predsjednik suda

Eldar Zaimović

Dostaviti:

1. DEMA &S D.O.O. MOSTAR, putem e-maila info@dena-s.ba
2. E-STROM D.O.O. SARAJEVO, putem e-maila estrom.info@gmail.com
3. PRO TEAM D.O.O. SARAJEVO, putem e-maila afmir.proteam@gmail.com
4. GENERAL ENGINEERING D.O.O. SARAJEVO, putem e-maila sales@gene.ba
5. web
6. a/a